

Služba za upravu ekonomskih poslova i poduzetništva je nadležna da izvršava i obezbjeđuje izvršavanje zakona i drugih propisa u oblastima za koje je osnovana; sprovodi utvrđenu politiku u oblastima za koje je osnovana; stara se o realizaciji budžetskih sredstava u oblastima za koje je osnovana; izvršava zakone i druge propise iz oblasti infrastrukture, investicija i obnove; vrši upravno-pravne poslove u oblasti infrastrukture, investicija i obnove; poduzima mjere iz nadležnosti Općine u vezi sa razvojem infrastrukture; priprema i izrađuje razvojne projekte u oblasti infrastrukture, investicija i obnove; priprema i koordinira izradu planskih dokumenata, razvojnih projekata, projektnih prijedloga i infrastrukturnih projekata u oblastima za koje je osnovana; predlaže projekte na izgradnji i rekonstrukciji objekata infrastrukture; realizuje programe i mjere na unapređenju sigurnosti saobraćaja održavanjem, zaštitom i rekonstrukcijom lokalnih i nerazvrstanih cesta i gradskih ulica; vrši uspostavu i vodi bazu podataka o odobrenim projektima i realizaciji odobrenih projekata infrastrukture, investicija i obnove, a po potrebi i drugih projekata iz nadležnosti Službe; prati izvršavanje stručnih poslova iz oblasti upravljanja infrastrukturom, rekonstrukcijom, održavanjem i izgradnjom novih objekata; obavlja poslove stručnog nadzora u oblasti infrastrukture i obnove; prati stanje, izvršava i obezbjeđuje izvršavanje Zakona o cestama Federacije Bosne i Hercegovine i podzakonskih akata donesenih na osnovu navedenog Zakona iz nadležnosti jedinice lokalne samouprave; prati stanje, provodi utvrđenu politiku, izvršava i obezbjeđuje izvršavanje zakona, drugih propisa i općih akta u oblasti privrede, poduzetništva, lokalnog razvoja, turizma, saobraćaja i ekologije iz nadležnosti jedinice lokalne samouprave; prati stanje, izvršava i obezbjeđuje izvršavanje Zakona o koncesijama i Zakona o javno-privatnom partnerstvu iz nadležnosti jedinice lokalne samouprave; predlaže mjere i provodi odobrene mjere za stvaranje povoljnog ambijenta za razvoj privrede, posebno u oblasti male privrede, samostalnog privređivanja i turizma; vrši poslove praćenja privrednih kretanja u oblasti za koju je osnovana, posebno u oblasti male privrede i samostalnog privređivanja; vrši poslove statistike, prikupljanje statističkih podataka i njihovu obradu za potrebe razvoja privrede, poduzetništva, turizma, saobraćaja, infrastrukture i ekologije od interesa za Općinu; pruža podršku malim i srednjim preduzećima i programima za pokretanje novih preduzeća; pruža savjetodavne usluge neophodne za registraciju privredne djelatnosti i pristup povoljnim kreditnim linijama; vrši analizu potreba privrednog sektora na području Općine sa profilom radne snage i oblika podsticaja privrede i poduzetništva; priprema prezentacije i promocije projekata Općine potencijalnim investitorima i drugim zainteresovanim subjektima; prati javne pozive iz oblasti privrede, poduzetništva, lokalnog ekonomskog razvoja, infrastrukture, investicija, obnove i drugih oblasti usko vezanih za navedene oblasti i priprema odgovarajuće aplikacije po istim; prati javne oglase i javne pozive pretpristupnih fondova opredijeljenih za lokalne zajednice, te predlaže i priprema aplikacije po standardnim procedurama prema međunarodnim i domaćim donatorima i drugim investitorima; priprema i koordinira izradu strategije lokalnog ekonomskog razvoja, izradu operativnih planova, programa i projekata vezanih za lokalni ekonomski razvoj, kao i praćenje realizacije istih; sudjeluje u provedbi strategije razvoja Općine, godišnjih akcionih planova, prezentaciji i promociji općinskih projekata i lokalne zajednice; vrši izradu analiza, izvještaja, informacija, elaborata i drugih materijala iz oblasti lokalnog ekonomskog razvoja, infrastrukture i drugih oblasti za koje je osnovana; ostvaruje saradnju sa udruženjima privrednika i drugim udruženjima koja se bave privredno-razvojnim aktivnostima; organizuje izradu cjelokupnih promotivnih materijala Općine iz oblasti privrede, poduzetništva i lokalnog ekonomskog razvoja; priprema programe i projekte za potencijalne investitore u saradnji sa nadležnim službama; učestvuje u izradi trogodišnjeg i godišnjeg plana Službe sa uključenim prioritetima iz plana implementacije strategije razvoja Općine; analizira, inicira i učestvuje u izradi propisa u oblastima za koje je osnovana; rješava u upravnim stvarima iz oblasti za koje je osnovana; vrši poslove inspekcijskog nadzora iz oblasti prostornog uređenja, građenja i saobraćaja; izdaje odobrenja

za rad ugostiteljskih, trgovačkih, obrtničkih i srodnih djelatnosti i odobrenja povezanih sa ovim djelatnostima; prati stanje i vodi registar u oblasti samostalnog obavljanja poslovnih djelatnosti; vodi propisane registre o izdatim odobrenjima za rad ugostiteljskih, trgovačkih, obrtničkih i srodnih djelatnosti i odobrenja povezanih sa ovim djelatnostima, izvršava poslove međunarodne saradnje u kojoj Općina saraduje sa međunarodnim subjektima; prati stanje, izvršava i obezbjeđuje izvršavanje zakona i drugih općih akata iz oblasti zakupa stanova i poslovnih prostorija u vlasništvu Općine, osim stanova namijenjenih za socijalno stanovanje i raseljena lica; prati stanje, izvršava i obezbjeđuje izvršavanje zakona o prodaji stanova za stanove u vlasništvu Općine i stanove koje je po zakonu nadležna prodavati; prati stanje, izvršava i obezbjeđuje izvršavanje Zakona o stambenim odnosima, Zakona o prestanku primjene Zakona o napuštenim stanovima i Zakona o zakupu poslovnih zgrada i poslovnih prostorija; vrši i druge poslove u oblastima za koje je osnovana, kao i poslove koje joj u zadatak stavi Općinsko vijeće Zavidovići (u daljem tekstu: Općinsko vijeće) i općinski načelnik.

(2) Poslovi iz nadležnosti Službe za upravu privrede, lokalni razvoj, infrastrukturu i međunarodnu saradnju vrše se u okviru radnih mjesta na koje su raspoređeni državni službenici izvan unutrašnje organizacione jedinice i u okviru Odsjeka za lokalni razvoj, infrastrukturu, upravljanje projektima i međunarodnu saradnju.

(3) Odsjeka za lokalni razvoj, infrastrukturu, upravljanje projektima i međunarodnu saradnju obavlja poslove:

- Priprema i izrada Strategije lokalnog ekonomskog razvoja, izrada akcionih i operativnih planova, programa i projekata vezanih za lokalni ekonomski razvoj, kao i praćenje realizacije istih,
- identifikovanje i formulisanje prilika za investiranje, novih tržišnih segmenata, razvoj inovativnih rješenja kao odgovor na potrebe tržišta i investitora,
- stalna saradnja sa pomoćnikom načelnika i općinskim načelnikom o svim pitanjima iz nadležnosti Odsjeka,
- uspostavljanje i održavanje povremene komunikacije i koordinacije svih općinskih organizacionih jedinica i ostalih partnera (privatni sektor, komore, udruženja, međunarodne organizacije, obrazovne institucije i dr. partneri) u cilju efikasne realizacije projekata,
- organizovanje i učestvovanje u izradi plana promocije Strategije, te u realizaciji aktivnosti pripremi i prezentaciji odgovarajućih promotivnih materijala za informisanje javnosti o značaju Strategije, novih investicionih ulaganja i investicionih potencijala Općine,
- permanentno unapređenje znanja i vještina za sprovođenje Strategije i transfer stečenih znanja u okviru jedinice lokalne samouprave, predlaganje programa obuke za eksterne aktere u realizaciji Strategije,
- uspostavljanje kontakta sa predstavnicima domaćih i stranih investitora, pružanje potrebne stručne, odnosno administrativno-tehničke pomoći investitoru, organizovan obilazak privrednih potencijala, namijenjenih potencijalnim investitorima,
- davanje direktne podrške lokalnim poduzetnicima ostvarujući svakodnevne kontakte sa njima, organizacija istraživanja - analiza poslovne klime u cilju unapređenja poslovnog ambijenta, davanje savjeta i pružanje informacija za osnivanje i vođenje radnji, učešće u promovisanju koncepta poduzetništva, privatnog i javnog partnerstva (poslovne zone, biznis centri, tehnološki parkovi i slično),
- ostvarivanje saradnje sa Privrednim savjetom općine Zavidovići i pružanje stručne i tehničke pomoći u radu Privrednog savjeta,
- u saradnji sa Službom za zapošljavanje učestvuje u pripremi i realizaciji edukativnih programa, priprema baze podataka raspoložive radne snage, učestvuje u pripremanju obuke i prekvalifikacije u skladu sa potrebama investitora, pružanje nezaposlenim informacije o mogućnosti zapošljavanja i samozapošljavanja,

- učestvuje u planiranju, pripremi i praćenju implementacije programa ekonomskog razvoja, učestvuje u pripremi prijedloga razvojnih projekata i njihovoj realizaciji, analizira uslove na tržištu i sagledava mogućnosti za pokretanje razvojnih projekata, komunicira sa donatorskim organizacijama,

- obavlja stručne poslove iz područja privrede koji nisu u nadležnosti viših nivoa vlasti, prati stanje u svojoj oblasti, te izrađuje i predlaže stručne podloge za mjere unapređenja privrede,
- predlaže općinskom načelniku podsticajne mjere za poboljšanje stanja u privrednim oblastima i vrši njihovu realizaciju, kao i podsticajne mjere za privlačenje direktnih stranih investicija i povećanje nivoa zaposlenosti,

- održava i unapređuje odnose sa kantonalnim, federalnim i drugim institucijama povezanim sa pitanjem ekonomskog razvoja, ostvaruje saradnju sa organizacionim jedinicama općinske uprave nadležnim institucijama i ustanovama, kao i sa drugim općinama po pitanju lokalnog ekonomskog razvoja,

- učestvuje u pripremi i održavanju baze podataka o lokalnim kompanijama, raspoloživom stručnom osoblju, novim domaćim i stranim investitorima, slobodnom zemljištu i zemljištu pogodnom za izgradnju industrijskih kapaciteta,

- prezentacija i promocija projekata i općine potencijalnim investitorima,

- predlaganje mjera i aktivnosti za poboljšanje stanja na bazi praćenja realizacije i stanja na terenu (inicijative za promjene propisa koje imaju negativan uticaj na lokalni razvoj, za izradu i izmjenu prostornih i drugih planova, za pojednostavljenje postupka registracije pravnih i drugih subjekata,

- izvršava poslove iz Zakona o koncesijama i Zakona o javno-privatnom partnerstvu, te prati realizaciju ugovora o koncesijama,

- izvršava poslove iz oblasti državne pomoći na nivou Općine,

- izvršava poslove iz oblasti energetske efikasnosti,

- izdavanje saglasnosti za priključenje prilaznog puta na lokalne i nerazvrstane ceste i ulice u naselju,

- izdavanje saglasnosti za postavljanje objekata i postrojenja u putni zaštitni pojas lokalnih i nerazvrstanih cesta, te izdavanje odobrenja za prekomjernu upotrebu ceste,

- staranje o primjeni propisa koji se odnose na lokalne i nerazvrstane ceste,

- rad na praćenju nadzora i pregledanje radova na izgradnji, rekonstrukciji i održavanju cesta,

- praćenje radova na otklanjanju nedostataka na cestama koji ugrožavaju bezbjednost saobraćaja i stabilnost objekata,

- predlaganje kategorizacije cesta,

- izrada izvještaja i informacija i drugih materijala za oblast puteva i objekata,

- vođenje evidencija o tehničkim podacima o stanju gradskih saobraćajnica, lokalnih i nerazvrstanih cesta,

- planiranje, organizovanje i nadziranje rada zimske službe lokalnih cesta i gradskih ulica,

- vršenje poslova praćenja i planiranja aktivnosti u unapređenju režima saobraćaja,

- praćenje aktivnosti koje su vezane za tehnička rješenja regulisana saobraćajem,

- rješava u upravnim stvarima iz oblasti samostalnog privređivanja, saobraćaja, korištenja stanova i poslovnih prostora,

- izrada teza, nacрта i prijedloga propisa i drugih akata iz nadležnosti Odsjeka,

- izrada programa, analiza i informacija, izvještaja iz oblasti privrede i lokalnog razvoja,

- učešće u izradi programa rada Službe, općinskog načelnika, Općinskog vijeća,

- priprema planova kapitalnih investicija i vrši njihovu realizaciju,

- vodi poslove statistike, službene evidencije i baze podataka iz nadležnosti Odsjeka,

- izvršava poslove međunaradne saradnje u kojoj Općina saraduje sa međunarodnim subjektima,

- ostvaruje i unapređuje saradnju sa bratskim i prijateljskim općinama i gradovima izvan Bosne i Hercegovine, kao i gradovima sa kojima je uspostavljena saradnja i realizacija zajedničkih projekata,
- obavljanje i drugih poslova u vezi sa lokalnim ekonomskim razvojem, upravljanjem projekata i međunarodnom saradnjom po nalogu pomoćnika načelnika i općinskog načelnika.